

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA**

Broj: T04 0 KT 0067665 26
Zenica, 14.07.2026. godine

**OPĆINSKI SUD U VISOKOM
-sudiji za prethodno saslušanje-
VISOKO**

Na osnovu člana 45. stav 2. tačka i) i člana 241. stav 1. Zakona o krivičnom postupku F BiH, podižem

OPTUŽNICU

Protiv:

M. N., ...,

Što je,

1. Dana 09.01.2026. godine, oko 16,40 sati, u Brezi, dok se nalazio u ugostiteljskom objektu „...“ koji se nalazi u Ulici ..., suprotno odredbama člana 3., člana 5., člana 6a i člana 6b stav 1. tačka a) Zakona o nabavljanju držanju i nošenju oružja i municije Ze-do kantona, neovlašćeno držao kod sebe eksplozivnu napravu „ručnu bombu ...“, kompletiranu sa upaljačem za ručnu bombu ... i koja ima sve elemente jedne ispravne ručne bombe od detonatorske kapsle, udarnog mehanizma do eksplozivnog punjenja, čija nabavka građanima uopće nije dozvoljena, iako je znao da nabavljanje i držanje navedene eksplozivne naprave građanima uopće nije dozvoljeno, što je i htio,

2. Dana 09.01.2026. godine, oko 16,40 sati, u Brezi, dok se nalazio u ugostiteljskom objektu „...“, izazvao opasnost za život ljudi i imovine, na način da je u jednom trenutku dok se nalazio u navedenom objektu, preduzeo opće opasnu radnju tako što je izvadio iz džepa eksplozivnu napravu opisanu u tački 1. ove naredbe, te istu pokazivao konobaru Š. K. i ostalim prisutnim gostima, što je kod istih izazvalo osjećaj straha i uznemirenosti na koji je način izazvao opasnost za život istih kao i imovine, da bi nakon ulaska policijskih službenika PS Breza u ugostiteljski objekat, uputio se u toalet objekta u namjeri da se riješi navedene eksplozivne naprave, svjestan da takvom opće opasnom radnjom i opće opasnim sredstvom izaziva opasnost za život ljudi i imovine većeg opsega, što je i htio, da bi potom u prisustvu policijskog službenika M. Dž. istu eksplozivnu napravu odbacio kroz prozor toaleta navedenog ugostiteljskog objekta, nakon čega je lišen slobode,

Dakle, pod tačkom 1. bez odobrenja držao eksplozivnu materiju čija nabavka građanima nije dopuštena, a pod tačkom 2. opće opasnim sredstvom izazvao opasnost po život i imovinu ljudi,

Čime je počinio: pod tačkom 1. krivično djelo Neovlašteno držanje oružja ili eksplozivnih materija iz člana 371. stav 1. KZ FBiH u sticaju sa krivičnim djelom pod tačkom 2. Izazivanje opće opasnosti iz člana 323. stav 1. KZ F BiH, u vezi sa članom 54. KZ FBiH.

Zbog toga stavljam,

PRIJEDLOG
dokaza koje treba izvesti

...

IV Na osnovu člana 78. KZ FBiH, predlažemo da se osumnjičenom izrekne mjera sigurnosti trajnog oduzimanja predmeta kojim je počinjeno navedeno krivično djelo i to: eksplozivnu napravu „ručnu bombu ...“, kompletiranu sa upaljačem za ručnu bombu